

বাহ্গাগিলদর জনো বাইবেল
উপস্থিত

পথম পর্ব



কায় নেথিসে: Edward Hughes

ব্যখ্যা কৰিচে: Janie Forest
Alastair Paterson

উদাহৰন দিয়া বুঝাইসে: Lyn Doerksen

ভাষা পাল্টে দিসে: রমেশ রাই

ছাপাইসে: Bible for Children
www.M1914.org

©2020 Bible for Children, Inc.

অনুমোতি: এ গল্পটোৰ একখন কপি তোৰঠে রাখিব পাৰিস বা
ছাপাকোৱা পাৰিস, কিন্তু বেচেবাৰ পাৰিস না।



মরিয়ম বেদনাময় চখুত একটা
মারাত্মক দৃশ্য দেখিল যেটেকোনা
চিকিরা-বোকরা হচে এমন
পাহাড় খেসা জাগাত
খাড়া হইচে। উয়ার
বেটা মরিয়া গেইচে।
মাও মরিয়ম
যেঠেকোনা খাড়া
দিসে ওঠেকোনা
যীশুক ক্রুশখুটাত
টাঙাইচে।





এইলা ঘটনা কেং করিয়া
ঘটিল? কেং করিয়া যীশু
নিজের সুন্দর জীবনটা এমন
করিয়া খতম করিবার
পারিলেক? কেংকরি
ঈশ্বর তার
বেটাক ক্রুশত
মারিবার দিল?
যীশু কি নিজেক
বুঝিবার পাই নাই যে সে
আসলে কাই? ঈশ্বর কি
নাকাম হয়্যা গেইচেন?





না! ঈশ্বর কোনোদিন নাকাম
হয় নাই। যীশু কোনো ভুল
কাজ করে নাই। যীশু
আগতে জানে যে উয়াক
শয়তান মানষির হাতোতে
মরিবার নাগিবে। যীশু যেলা
বাষ্টা ছিলেক সেলায় শিমোন
নামের এক বুড়া মানষি
কইচে যে দুঃখের দিন টা
উয়ার আগোতে আছে।



যীশু
মরিবার
কিছুদিন আগেতে
একটা বেঠিছাওয়া
আসিয়া যীশুর ঠেঙোত
তেল ঢালি দিচে। উয়ার
চেলালা বিরুখাতা করিচে
যে বেঠিছাওয়াটা খালি
টাকা-পাইসা নষ্ট করিছে।
যীশু কইচে যে উয়ায়
ভাল কাজ করিছে আর
উয়ার কবরের জন্যই করিচে।
কি আশ্চরিত কথা এগিলা।



এই ঘটনার পাছত যীশুর
১২-চেলাথেকে একজন, জার
নাম জুডাস্, উয়ায় ৩০-টা
রুপার টাকার বিনিময়ে যীশুক
বিরোধাতা করিবার জন্য
পরধান যাকের
কাছে রাজি হইচে।






যীহুদিলার নিস্তার পৰ্বে, যীশু উয়ার
চেলালার শাথোত জীবনের শেষ
খাবার খাইছে। যীশু চেলালাক ঈশ্বরের
বিসয়ত সুন্দর বিষয় গিলা কইলেক আর
কইলেক যে উয়ায় উয়ার কথা রাখিল
উয়াদের জন্য যারা উয়াক ভাল বাসে।
তার পাছত যীশু রুটি আর কাপে দ্রাফ্কারস
নিয়া উয়াদের দিল ভাগ করিবার আর
কইলেক যে, “রুটি হইলেক মোর দেহা
আর কাপোত দ্রাফ্কারস
হইলেক মোর রক্ত,
যেটা হইলেক নয়া
নিয়মের অক্ত যা দিয়া
পাপের ক্ষমা পাইবে, উয়ার
মনে করিবার জন্য।



ইয়ার পাছত যীশু চেলালাক কইলেক যে উমরা বিরোধিতা
করিবে আর দৌড়িয়া পলাবে। পিতর কইলেক, “মুই
কোনোদিনও ছাড়ি যাম না”। যীশু সেলা পিতরক কইলেক,
“কুকুরা ডাকিবার আগেতে তুই মোক তিন বার অগ্রাজ্য
করিবো”।





এই রাতিতে যীশু
যেলা গৈতসিমা
বাগানোত প্রাৰথনা
জন্য গেইছেন তখন
যাৰা উয়াৰ সথোত
ছিলেক সগায় নিন
গেইছে। যীশু প্রাৰথনা
করিছে ... “হে মোৰ
ঈশ্বৰ এই পানপাত্ৰ
মোৰ দিয়া চলিয়া
যাক। কিন্তুক মোৰ
ইচ্ছা নাহই, তোমাৰে
ইচ্ছা মত হক”।



আচমকা যীহুদার সাথোতে অনেক লোকজন
ও সিপাহিগিলা যীশুক ধরিবার আসিলেক।
যীশু কোনো বাধা দিল না। কিন্তুক পিতর
একটা মানষির কান কাটিয়া দিলেক। যীশু
চুপ করিয়া মানষিটার কানটা নাড়িলে
উয়ার কান ঠিক হইলেক।
যীশু জানির পাইচে যে
উয়ার উপরা আক্রমন
ঈশ্বরের ইচ্ছায়।



মানষিলা যীশুক প্রধান যাজকোর আগেতে নিয়া গেইলেক।
ওঠে, জিহদি প্রধানগিলা কই যে যীশুক মরিবার নাগিবে।


ওঠেকোনা পিতর চকর
মানষির আগুনোর পাসে
দাড়িয়া দেখিবার
নাগিলেক।



মানষিলায় উয়াক দেখিয়া কইলেক্, “তোমরা মানষিখান
তো উয়ার সাথে ছিলেক?”। পিতর উমার তিন বার ঠগিলেক
আর না করিলেক্, আর যীশু
যেমন কইয়াছিলেক ঠিক
তেমনি হইলেক। বুঝির
পাইয়া পিতর নিজেক
শাপ দিল আর
দুঃখ করিলেক।




কুক-রে-কু...কু...



ঠিক এই সময়, একটা বড়
চিকিরোন শূনা গেইল। সেলা
পিতরের এমন নাগিল যে
সেলা ঈশ্বরের আওয়াজ।
যীশুর কথা মনে করিয়া
পিতর খুব কান্দিলেক।





যীহদা খুবেই দুঃখ পাইছে।
উয়ায় জানে যে যীশু কোনো
পাপ করে নাই। যীহদা উয়ার
৩০ টা রুপার পাইসা ফিরিয়া
দিসে কিন্তুক প্রধান যাজক
পাইসা ফিরিয়া নেয় নাই।





যীহদা উয়ার টাকা
পাইসা পাকতেরে
ফেলেয়া দিসে আর
উয়ায় নিজেকে
ফাঁসীত বুলাইছে।






প্রধান যাজকটা যীশুক একেবারে
রোমের প্রধান বিচারপতি পিলাত ঠে
নিয়া গেইছে। পিলাত কইলেক, “মুই এই
মানষিটার কোনো ভুল খুজিয়া পাচোং
না”। কিন্তুক সাধারন
মানষিলা চিকিরা কইচে,
“ইয়ায় ক্রুশত দেও,
ইয়াক ক্রুশত দেও”।



শেষমেষ পিলাত উয়ার শাস্তির আদেশটা
দিয়া দিলেক যে উয়াক ক্রুশোত দেওয়া
যাউক। সিপাহিলা যীশুক ঘুসি মারিলেক,
থু-থু ফেলাইলেক আর তাক ছেপ দিবার
নাগিলেক। যীশুর মাথাত ডিকিলা
কাটাগাছের রাজমুকুট বানেয়া নাগেয়া
দিসে। ইয়ার পাছত ক্রুশ খুটাত
তারকাটা দিয়া যীশুক
ক্রুশেত বান্দিয়া
মারিয়া
ফেলাইলেক।



যীশু আগতে জানে যে উয়াক এই নাখান করেয়া মরিবার
নাগবে। উয়ায় জানে যে উমারলার পাপের ক্ষমা পাবে মোর
এই মরিবার মধ্যদিয়া য়ায়-য়য় মোক বিশ্বাস করিবে আর

মোর উপরত নির্ভর করিবে।
যীশুর সাথে আরও দুই জন
ডাকাতকেও ক্রুশত দিছে।
উয়ার মধ্যে একটা ডাকাত
যীশুক বিশ্বাস করিয়া স্বর্গে
গেইচে আর অন্যটা না
বিশ্বাস করিয়া স্বর্গে
যাবার পাই নাই।



দুঃখের কয়েক ঘন্টা পাছত যীশু
কইলেক,- “এটা শেষ হ’ল”
আর মরি গেল। উয়ার
তামান কাজ শেষ
হইছে। চেলা গিলা
উয়াক বেসরকারী
কবরত কবর
দিলেক।



তারপর রোমান সিপাহিলা
কবরটাক বন্ধ করে
দিলেক আর পাহরা
দিবার নাগিলেক।



গল্প যোদি এইটাত শেষ হয়
তাহলে কত দুঃখ হবু?
কিন্তুক ঈশ্বর অদ্ভুত
কাজ করিলেক।
যীশু মরিয়া
থাকে নাই।



সপ্তাহের পথম দিনোত খুব সকালে
যীশুর কিছু চেলা দেখিল কবরের
বড় শিলটা নাড়িয়া গেইছে।
যেলা উমরা ভিতরোত
দেখিল-সেলা
যীশুর দেহ-টা
ওঠেকোনা
নাই।



কবর গোরতে একটা বেঠিছাওয়া বসিয়া
কান্দেয়া আছিলেক। যীশু উয়ার
আগোতে আসিল। উয়ায় অন্যান্য
চেলাগুলাক কবার জন্য পালাইয়া
গেইচে আর খুশীতে কইচে,
“যীশু বাঁচি আছে। মরা
থাকি যীশু আরও
উঠিছে”।



শিখি যীশু চেলাগিলাক আগেতে
আসিলেক আর নিজের হাত উয়াদের দেখিবার
দিল। এইটা সহিত্য বে 'যীশু আবার জিৰিত
আসিলেক'। উয়ায় পিতরোত ফমা করিলেক আর
চেলালাক আদেশ দিলেক জে উমেৰা উয়ার
বেপারে মানষিগিলাক কয়।



পথম পৰ্ব

ভগবানোর গল্পগিলা হামরা বাইবেলোত দিখিবার পাই

মথি ২৬-২৮, লুক ২২-২৪, যোহন ১৩-২১

“ভগবানোর কতা জ্যোতী আনে।”

গীতসংহিতা ১১৯:১৩০



সমাপ্ত



এই বাইবেলের গল্পখান হামারলাক কইচে যে হামার আশ্চর্যজনক ঈশ্বর হামাক স্জন করিচে আর উয়ায় চাই যে হামারলা উয়াক জ্যেনো জানি।

ভগবান জানে যে হামরা সব সমায় খারাপ কাজ করি আর উয়ায় ইয়াক পাপ কইচে। পাপের শাস্তি মরন, কিন্তুক উয়ায় হামারলাই এমন ভালবাসিলেক যে উয়ার একমাত্র বেটাক- (যীশুক) এই দুনিয়াত পেঠেয়া দিচে যেন উয়ায় হামার আর যাই তোর পাপের বাদে ক্রুশত মরিলেক। কিন্তুক যীশু আবার জিবিতি হইলেক আর স্বর্গত, তার আসল বাড়িত চলি গেলেক। যদি তুই যীশুক বিশ্বাস করিস আর পাপের ক্ষমা চাইস তাহলে উয়ায় শেটা তোক দিবে। উয়ায় এলা আসিবে আর তোরঠে থাকিবে আর তুইও উয়ার নগদ চিরকাল থাকির পাবো।

যদি তুই বিশ্বাস করিস এইটা সত্য, তাহলে ঈশ্বরক তুই ক।

প্রিয় যীশু, মুই বিশ্বাস কর যে তুই ভগবান আর মানষি রূপ ধরিয়া মোর পাপের বাদে মরিল আর এলা তুই আরও ফিরিয়া আসিছিত। দয়া করিয়া মোর জীবনোত আসিয়া মোর পাপ ক্ষমা করো যাতে মুই নতুন জিবন পাই, আর এক দিন তোরঠে জাবার পারি চিরকালের জন্যে। মক সাহাজ্য কর যাদে মুই তোর বাধ্য হয় আর তোর বেটা হিসাবে বাচিবার পাও। আমেন।

প্রতিদিন বাইবেল পর আর উয়াক সথে কতা কও! যোহন ৩:১৬

